

直隸定州志卷之八

人物

封爵

嘗謂封建不廢於秦而廢於漢秦隳先王典禮猶可
復也漢矯秦弊而疆土非制卒召甌蠻不可法也不
可法而封建終至於不可復矣魏晉而降篡竊相繼
其受爵者可知唐宋之間亦多封號大者王小者侯
詎古封建之遺意乎漢中山王如靖如簡能以恩禮
終矣徐武甯一代元臣其出處不在大賢以下雖追
贈詎非爵耶是志封爵

周

中山武公

威烈王十二年立○史記趙世家徐廣註詳紀事

中山王

初爲中山君至顯王四十六年立爲王○戰國策詳紀事

西漢

中山靖王勝

景帝子前三年六月立四十二年薨元鼎五年哀王昌嗣二年薨元封元年穰

王昆侈嗣二十一年薨征和四年頃王輔嗣三年薨始元元年憲王福嗣十七年薨地節元年懷王脩嗣十五年薨亡後○穰景十三王傳作康脩景十三王傳作循今從諸侯王表

中山哀王竟

宣帝子昭帝時立爲信都王成帝陽朔二年徙中山三十年薨綏和二年王箕

子嗣元壽二年入繼大統卽平帝○以上並前漢書諸侯王表

中山王成都

平帝元始元年立爲中山王奉孝王後○前漢書外戚傳詳紀事

曲逆獻侯陳平

高祖六年封凡二十四年薨孝文三年共侯買嗣二年薨孝文五年簡侯

惲嗣二十二年薨孝景五年侯何嗣元光五年坐略人妻棄市

深澤齊侯趙將夕

趙將高祖三年降漢屬淮陰侯定趙齊楚八年以擊平城功封高后

元年以罪免二年復封是年薨孝文後二年戴侯頭嗣八年薨孝景三年侯修嗣七年有罪酈爲司寇元康四年將夕元孫平陵上造延世詔復家

按王植深澤考云漢有兩深澤屬幽州者爲涿郡之深澤卽今縣也屬冀州者爲中山國之深

澤卽趙將夕所封至後漢時省

安國武侯王陵

高祖六年封二十一年薨高后八年哀侯忌嗣一年薨孝文元年終侯旃

嗣三十九年薨建元元年安侯辟方嗣二十一年薨元狩三年侯定嗣元鼎五年坐酎金免

北平文侯張蒼

高祖六年封五十年薨孝景六年康侯奉嗣八年薨後元年侯類嗣建元

五年坐
事免

新市侯王棄之

父悍以趙內史王遂反不聽死景帝中二年子棄之封侯八年薨煬侯始

昌嗣元光四年爲人所賊殺

○以上俱前漢書功臣表

陸成侯劉貞

中山靖王子武帝元朔五年封元鼎五年坐酎金免

新處侯劉嘉

中山靖王子元朔五年封元鼎五年坐酎金免

安險侯劉應

中山靖王子元朔五年封元鼎五年坐酎金克

新市康侯劉吉

廣川繆王子昭帝元鳳五年封二十五年薨甘露三年頃侯義嗣薨侯欽

嗣○以上俱前

漢書王子侯表

按前漢書地理志曲逆安國北平新市陸城新處安險俱屬中山國

東漢

中山王茂

光武族父年十八漢兵起聚眾京密間光武至河內茂率眾降封為中山王建武十

三年更封穰侯○後

漢書泗水王敘傳

中山王輔

光武子封右馮翊公建武十七年徙為中山王二十年徙封沛○後漢書外戚傳

中山簡王焉

光武子建武十五年封左馮翊公十七年進爵為王三十年徙封中山永元二

年薨子夷王憲嗣二十二年薨子孝王宏嗣二十八年薨子穆王暢嗣三十四年薨子節王稚嗣無

子國除○後

漢書本傳

苦陘侯杜茂

初歸光武於河北為中堅將軍光武即位封樂鄉侯建武二年封苦陘侯後更

封廣武○後

漢書本傳

按後漢書郡國志漢昌本苦陘章帝更名屬中山國杜茂在光武時故仍稱苦陘

蠡吾侯翼

河間孝王開子鄧太后徵詣京師為平原懷王後以譖貶都鄉侯翼謝賓客閉門自

處永建五年父開上書願分蠡吾以封翼順帝從之卒子志嗣入繼大統是爲桓帝建和二年更封帝兄都鄉侯碩爲平原王留奉翼後○後漢書河間孝王開傳

安國亭侯袁湯

司徒袁安之孫字仲何少傳家學諸儒稱其節桓帝初爲司空以豫議定

策封安國亭侯食邑五百戶累遷司徒太尉○後漢書袁安傳

按郡國志蠡吾安國俱屬中山國

魏

中山恭王袞

武帝子太和六年封中山青龍三年薨子孚嗣○三國志世王公本傳

魏昌侯甄造

與子儼俱封魏昌侯詳外戚

晉

中山王睦

譙王遜弟武帝受禪封中山王咸寧三年降爲丹水侯元康元年薨孫毅嗣傳文深

法蓮宋受禪國除

○晉書宗室本傳

中山王耽

宣帝從子咸甯三年封中山王是年薨無子弟緝嗣戰沒無子國除○晉書宗室濟

南惠王

遂傳

中山王石虎

字季龍為石勒所寵信累遷侍中開府封中山公及勒僭號進封為王○晉書

石季龍

載記

中山王暉

燕王雋子永和十年封中山王後立為太子○資治通鑑

中山王冲

燕王雋子升平三年封中山王○晉書慕容雋載記

中山公苻詵

秦苻堅少子封中山公○晉書苻堅載記

中山公馮宏

太元時馮跋僭稱天王署弟宏為驃騎大將軍封中山公○晉書馮跋載記

南北朝

中山王纂

衛王儀子魏太祖養於宮中少明敏動止有禮世祖踐阼封中山公進爵為王○魏

書秦明

王翰傳

中山王託真

世祖太平真君十年以平昌公託真為中山王○魏書世祖紀

中山王王獻

承明元年文明太后臨朝獻因緣見幸累遷吏部尚書由是愛寵日隆太和三

年遷尚書令封爵中山

王○魏書恩倖本傳

中山王英

南安王楨子世宗時以軍功拜吏部尚書進爵常山侯又以軍功改封中山王食邑

一千戶永平三年薨子熙襲被害子叔仁襲被害子琳襲齊受禪爵例降

中山王李蓋

詳外戚

中山王略

熙弟熙敗時才雙為西河太守略歸之雙乃令從子昌送略潛遁江左蕭梁甚禮敬

之封為中山王肅宗時徵還除侍中○以上魏書南安王楨傳

中山公張宣軌

魏延昌中釋褐奉朝請仕至相州撫軍府司馬以功賜爵中山公○魏書

甄琛傳
詳仕進

中山公宇文護

字薩保周太祖兄邵惠公顗子魏大統間累官車騎大將軍儀同三司十

二年加驃騎大將軍開府儀同三司進封中山公後改封晉國公○周書本傳

中山公訓

周天和六年以中山公訓為柱國○周書武帝紀

曲陽侯素延

桓帝後從魏太祖征討中山平拜幽州刺史豪奢放逸左遷上谷太守後賜爵

曲陽侯○

魏書本傳

安喜侯李興祖

詳外戚李道念註

魏昌子房叔祖

以功賜爵永安中仕至安東將軍郢州刺史○魏書房法壽傳

按魏書地形志曲陽安熹魏昌俱屬中山郡

魏昌男陽藻無終人字景德少孤有雅志涉獵經史

賜爵魏昌男○
魏書陽尼傳

隋

安平王巖太子勇子巖鄭樵通志作嶷今從隋書

高陽王該太子勇子○以上二人隋書房陵王勇傳

按隋書地理志定州又為高陽郡

安平郡公蘇孝慈扶風人仕周封臨水縣公高祖受禪進爵安平郡公○隋書本傳

北平侯張奭河間人少好學初仕魏宇文泰引為兵曹後為膳部大夫冢宰司錄賜爵北平

縣子及高祖受禪拜尚書右丞進爵為侯○隋書本傳

按隋書地理志安平北平俱屬定州

唐

中山郡王仲良

郇王
稹子

博陵王焯

蔣王惲子○以上二
人唐書宗室世系表

中山王琚

休道子神龍初嗣趙王開元中
改王中山○唐書蔣王惲傳

中山郡王琳

許王素節子○唐
書宗室世系表

定王侗

肅宗子至德二
載封○舊志

北平王偕

靖恭太子琬子○唐
書靖恭太子琬傳

按唐書地理志
北平屬博陵郡

中山郡王振

撫王紘子○唐
書宗室世系表

博陵郡王崔元暉

安平人少以學行稱舉明經爲高
陵主簿武后時累遷鳳閣侍郎後

以誅二張功爲中書令封博陵郡公及后遷上陽宮拜博陵郡王罷政事冊其妻爲妃賜實封五百戶○唐書本傳

中山君王豐

爲穀城令治民有法民多暴富歌曰天厚穀城生王公爲宰三月恩澤通室如

懸罄今擊鍾豐一日印墮地損鼻鉏明日視之則覆斗也異之問功曹張齊齊曰昔君印多用覆斗以臣料之君其封乎後果封中山君○賈氏說林

北平公世武

隆州刺史士都子

博陵郡公道弼

東平王韶子

中山郡公堯臣

號王鳳子○以上三人唐書宗室世系表

中山郡公崔日知

字子駿滑州靈昌人少力學以明經進爲兵部員外郎遷洛州司馬

譙王重福之變以擊賊功加銀青光祿大夫後厯殿中監進中山郡公○唐書崔日用傳

北平縣公張行成

高宗時封○唐書本傳詳仕進

博陵郡公崔鉉

博州人初拜司勳員外郎翰林學士宣宗時累官尚書左僕射兼門下侍

郎封博陵郡公咸通時改封

魏國公○唐書崔元略傳

北平縣伯陽嶠

洛陽人舉八科皆中睿宗時累官按察使後為國子祭酒封北平縣伯○

唐書

本傳

後五代

北平王王處直

光化三年梁太祖表處直為義武軍節度使及太祖即位封處直為北平

王○新五

代史本傳

北平王趙德鈞

幽州薊人仕後唐為盧龍節度使封北平王○宋史趙贊傳

按北平唐時屬定州五代因唐舊制故補入

宋

博陵郡王承選

申王德文子

博陵侯叔兌

馮翊侯克貺子

博陵侯叔礪

高陽侯克偃子

博陵侯益之

安國公叔參子

博陵侯敕之

馮翊侯叔燦子

博陵郡公仲濬

會稽侯宗敏子○以上俱宋史宗室世系表

明

中山王徐達

首佐太祖定天下功業朝班廟享皆第一由信國公改封魏國十七年卒追封

中山王子輝祖靖難殉節次子增壽以私通燕邸誅成祖卽位封定國公

中山侯湯和
洪武三年封中山侯進封信國公○以上明史本傳

